



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-04-9602-2/20
Sarajevo, 17.04.2020. godine

Na osnovu Programa mjera sufinansiranja zapošljavanja i održavanja postojeće zaposlenosti u boračkim zadrugama sa područja Kantona Sarajevo za 2020/2021. godinu prihvaćenog Zaključkom Vlade Kantona Sarajevo broj: 02-04-9916-9/20 od 13.04.2020. godine Ministarstvo za boračka pitanja Kantona Sarajevo, o b j a v l j u j e

JAVNI POZIV

za realizaciju mjere sufinansiranja zapošljavanja boračke populacije u boračkim zadrugama sa područja Kantona Sarajevo

I - PREDMET JAVNOG POZIVA

Programom mjera sufinansiranja zapošljavanja i održavanja postojeće zaposlenosti u boračkim zadrugama sa područja Kantona Sarajevo za 2020/2021. godinu broj: 06-04-9602/20 od 07.04.2020. godine, usvojena je i Mjera sufinansiranja zapošljavanja boračke populacije i održavanja postojeće zaposlenosti u boračkim zadrugama sa područja Kantona Sarajevo. Ova mjera predstavlja pravo sudjelovanja u raspodjeli sredstava koju mogu ostvariti zadruge sa područja Kantona Sarajevo, a koje okupljaju boračku/braniteljsku populaciju (uključujući i članove njihove uže porodice) u svrhu zapošljavanja boračke populacije sa evidencije nezaposlenih u Kantonu Sarajevo ili u svrhu održavanja postojeće zaposlenosti u boračkim zadrugama sa područja Kantona Sarajevo.

Opći cilj Programa je shodno mogućnostima dati doprinos na prevazilaženju novonastalih uslova otežanog funkcionisanja društvene zajednice usljed pandemije koronavirusa, u segmentu koji se odnosi na oblast zaštite boračke populacije.

Poseban cilj Programa je povećanje mogućnosti za održavanje zaposlenosti boračke populacije i eventualno novo upošljavanje u oblasti zadrugnog sektora, pružanje i drugih vrsta pomoći boračkom zadrugarstvu, kako bi se uz druge aktivne mjere Vlade doprinijelo sanaciji posljedica koronavirusa na području Kantona Sarajevo.

Predmet ovog Javnog poziva je provođenje Mjere sufinansiranja zapošljavanja boračke populacije u boračkim zadrugama sa područja Kantona Sarajevo.

U Budžetu Kantona Sarajevo, razdjel Ministarstvo za boračka pitanja za realizaciju Mjere zapošljavanja boračke populacije u boračkim zadrugama sa područja Kantona Sarajevo, planirana su sredstva na odgovarajućoj budžetskoj poziciji.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

II - PRAVO UČEŠĆA

Pravo učešća imaju:

- boračke zadruge i zadruge koje u svom sastavu okupljaju najmanje 70% zadrugara iz boračke populacije u cilju sufinansiranja zapošljavanja od strane Ministarstva za boračka pitanja, koje će za rezultat imati novo upošljavanje boračke populacije sa evidencije nezaposlenih u Kantonu Sarajevo i
- zainteresirani subjekti/pojedinci za podršku u osnivanju boračkih zadruga, kojima će se u određenom iznosu podržati, odnosno refundirati troškovi novoosnovanih zadruga do visine osnivačkog uloga i neophodnih administrativnih troškova registracije.

Pravo učešća u ovoj mjeri nemaju subjekti koji su učestvovali po bilo kojem osnovu ranije u drugim mjerama Programa za poticaj zapošljavanja boračke populacije u Kantonu Sarajevo i to:

- mjeri stimulisanja poslodavaca sa područja Kantona Sarajevo da zapošljavaju pripadnike boračke populacije i članove njihovih porodica koji su prijavljeni na evidenciju nezaposlenih u Kantonu Sarajevo putem sufinansiranja zapošljavanja;
 - mjeri sufinansiranja za samozapošljavanje boračke populacije i članove njihovih porodica koji su prijavljeni na evidenciju nezaposlenih u Kantonu Sarajevo;
- ,a sada bi htjeli ostvariti poticaj putem boračke zadruge.

Pravo učešća u ovoj mjeri nemaju subjekti koji su ostvarili novčanu pozajmicu za otvaranje radnih mjesta (član 24. Zakona o dopunskim pravima boraca/branitelja BiH) putem ovog Ministarstva.

III - NAČIN ODOBRAVANJA SREDSTAVA

Odobrovanje sredstava iz tačke I ovog poziva vršiti će se u skladu sa općim i posebnim kriterijima.

Opći kriteriji za odobrenje sredstava za sufinansiranje zapošljavanja u boračkim zadrugama su:

- da je boračka zadruga registrirana u Kantonu Sarajevo,
- da boračka zadruga nije otpuštala radnike poslije 01.03.2020.godine,
- pripadnost boračkoj/braniteljskoj populaciji, za aplikante pojedince za podršku u osnivanju boračke zadruge.





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Posebni kriteriji za odobravanje sredstava za sufinansiranje zapošljavanja boračke populacije sa područja Kantona Sarajevo su:

- 1) Vrsta djelatnosti:
 - a) Proizvodna i turistička djelatnost 30 bodova
 - b) Intelektualna i uslužna djelatnost 20 bodova
 - c) Ostalo 10 bodova
- 2) Trenutni broj zaposlenih radnika:
 - a) 1 – 3 10 bodova
 - b) 4 – 7 15 bodova
 - c) 8 i više 20 bodova
- 3) Broj novoupisanih radnika po zahtjevu za sufinansiranje:
 - a) 1 – 3 10 bodova
 - b) 4 – 7 15 bodova
 - c) 8 i više 20 bodova
- 4) Vlastito učešće:
 - a) do 5.000,00 KM 10 bodova
 - b) od 5.000,00 KM do 10.000,00 KM 20 bodova
 - c) preko 10.000,00 KM 30 bodova
- 5) Visina traženih sredstava po jednoj osobi za zapošljavanje:
 - a) do 4.000,00 KM 20 bodova
 - b) od 4.000,00 KM do 6.000,00 KM 15 bodova
 - c) preko 6.000,00 KM 10 bodova
- 6) Boračke zadruge koje prvi put apliciraju na ovaj Program za poticaj zapošljavanja 5 bodova
- 7) Organizacija poslovanja
 - a) Da li su jasna zaduženja svih zadrugara..... do 5 bodova
 - b) Da li su navedeni najznačajniji uslovi za obavljanje djelatnosti te načini za njihovo obezbijedenje? do 5 bodova
- 8) Proizvod/usluga
 - a) Po čemu će proizvod/usluga biti jedinstven? do 5 bodova
 - b) Postoji li opisan proces izrade proizvoda/usluge? do 3 boda.

Opći kriteriji su eliminatorni, dok će se po posebnim vrijednovati zaprimljene aplikacije koje ispunjavaju opće kriterije, te na osnovu osvojenih bodova po osnovu posebnih kriterija, sačiniti će se rang lista.

U slučaju da nakon vrijednovanja aplikacija, dva ili više aplikanata imaju jednak broj bodova, prednost ima aplikant sa većim brojem zaposlenih, a ako imaju jednak broj zaposlenih onda prednost ima aplikant iz proizvodne i turističke djelatnosti, odnosno ako dva ili više aplikanata i





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

dalje imaju isti broj bodova, prednost se daje aplikantu koji je prije podnio aplikaciju za učešće u ovoj mjeri.

Najveći iznos koji može biti odobren zadruzi je 9.600,00 KM po jednoj novouposlenoj osobi, odnosno 3.500 KM za osnivanje zadruge.

Vrijednovanje aplikacija se vrši na osnovu priložene dokumentacije, u skladu sa naprijed navedenim kriterijima. Vrijednovanje vrši Stručni tim pri Ministarstvu, koji sačinjava i prijedlog liste aplikanata za učešće u mjeri. Konačnu listu aplikanata utvrđuje Ministar nakon čega se pristupa zaključenju ugovora sa aplikantima čije su aplikacije za učešće u ovoj mjeri prihvaćene.

Ugovorom se uređuju međusobna prava i obaveze Ministarstva i aplikanata, obavezu aplikanta za zaključenje ugovora o radu sa nezaposlenom osobom prijavljenoj na evidenciji nezaposlenih u Kantonu Sarajevo sa punim radnim vremenom na period od najmanje 12 mjeseci, držanje registrovane djelatnosti najmanje 12 mjeseci, obavezu isplate naknada i pripadajućih poreza i doprinosa za zaposlenu osobu, zadržavanje u radnom odnosu istog broja zaposlenika koji je zatečen u periodu podnošenja zahtjeva, uvećan za broj sufinansiranih osoba, obavezu pravdanja pomenutih troškova i dr.

Boračkim zadrugama se neće sufinansirati zapošljavanje osoba koje su zadruge otpustile u posljednjih 12 mjeseci od dana objave javnog poziva za ovaj Program, niti osobe za koje su zadruge dobijale sredstva od ovog Ministarstva na ime sufinansiranja zapošljavanja istih u prethodnom periodu.

IV- DOKUMENTACIJA

Sve zainteresirane zadruge prilikom apliciranja na Javni poziv dužne su u roku predviđenom u Javnom pozivu, dostaviti u originalu ili ovjerenom fotokopiji slijedeću dokumentaciju:

- a) Adekvatno popunjen i ovjeren aplikacioni formular za sufinansiranja novog upošljavanje boračke populacije;
- b) Rješenje o registraciji zadruge u Kantonu Sarajevo,
- c) Tekstualno obrazloženje djelatnosti zadruge sa podacima koji se odnose na:
 - opis djelatnosti kojom se bavi aplikant sa osvrtom na uslove i uspjeh poslovanja u prethodnoj godini sa naznakom vrste djelatnosti (proizvodna, turistička, intelektualna, uslužna i ostalo),
 - specifičnost poslovanja u odnosu na ostale zadruge iz te djelatnosti tj. inovativnost poslovne ideje,
 - vlastito učešće (raspoloživa novčana sredstva, nekretnine i zemljište i td.),





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

- organizacija poslovanja u smislu da li su jasna zaduženja svih zadrugara i koji su najznačajniji uslovi za obavljanje djelatnosti i da li isti obezbijedeni,
- po čemu je proizvod ili usluga jedinstven,
- ostale bitne informacije o uspješnosti i poteškoćama u dosadašnjem poslovanju,
- d) Zadržna pravila;
- e) Dokaz o zadrugarskom statusu (spisak zadrugara registrovanih u knjigu zadrugara ovjeren od strane nadležnog organa);
- f) Uvjerenje o pripadnosti boračkoj populaciji za zadrugare, kao i za članove njihovih užih porodica ukoliko su sastavni dio projekta, dokumentaciju kojom dokazuju da se radi o članovima uže porodice (rodni list, vjenčani list i sl.);
- g) Ugovor ili potvrdu od banke o otvaranju računa sa navedenim transakcijskim/tekućim računom;
- h) Uvjerenje o izmirenim obavezama po osnovu poreza i doprinosa **ne starije od 30 dana od dana objave javnog poziva sa listingom o trenutnom broju zaposlenih (Porezna uprava FBIH)**,
- i) Uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (Uprava za indirektno oporezivanje BiH), a ukoliko nije PDV obveznik zadruga može dostaviti izjavu ovjerenu od strane nadležnog općinskog organa ili notara;
- j) Izjava odgovornog lica za sve članove zadruge, da nisu istovremeno članovi neke druge boračke zadruge, ovjerena od strane nadležnog općinskog organa ili notara;
- k) Dokaz o vlasništvu, najmu, zakupu ili koncesiji nad zemljištem ili prostorom ili drugim resursima, mehanizaciji i opremi na kojem će se obavljati djelatnost zadruge;
- l) Izjava o visini odobrenih (dobijenih) finansijskih sredstava za ove namjene, od bilo kojeg nivoa vlasti u proteklom (prethodnom) periodu, ovjerena od nadležnog općinskog organa;
- m) Izjava da nisu učestvovali po bilo kojem osnovu ranije u drugim mjerama Programa za poticaj zapošljavanja boračke populacije i to:
 - mjeri stimulisanja poslodavaca sa područja Kantona Sarajevo da zapošljavaju pripadnike boračke populacije i članove njihovih porodica koji su prijavljeni na evidenciju nezaposlenih u Kantonu Sarajevo putem sufinansiranja zapošljavanja;
 - mjeri sufinansiranja za samozapošljavanje boračke populacije i članove njihovih porodica koji su prijavljeni na evidenciju nezaposlenih u Kantonu Sarajevo;
 - da nisu ostvarili novčanu pozajmicu za otvaranje radnih mjesta (član 24. Zakona o dopunskim pravima boraca/branitelja BiH) putem ovog Ministarstva;
- n) i druga dokumentacija na zahtjev Stručnog tima.

Potvrdu o izvršenoj zadržnoj reviziji koju izdaje Federalni zadržni savez (ne starija od 2 godine) osim za novoformirane zadruge, po službenoj dužnosti obezbijedit će ovo Ministarstvo.





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Boračke zadruge koje redovno ne izmiruju obaveze uplate javnih prihoda ne mogu učestvovati u Programu, osim u slučaju kad zadruga ima potpisan ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je zadruga dužna dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru.

V- PROCES ODABIRA I OBJAVA LISTE

Proces odabira će vršiti Stručni tim, a Ministar donosi konačnu odluku o dodjeli sredstava po Javnom pozivu.

Svi podnosioci će se bodovati i rangirati, a rang lista će biti objavljena na info-punktu Ministarstva za boračka pitanja Kantona Sarajevo (šalter sala Kantona Sarajevo), i web stranici Ministarstva www.mbp.ks.gov.ba, a informacije se mogu dobiti na telefon: 033/562-007.

Ministarstvo na osnovu konačne odluke zaključuje ugovore sa krajnjim korisnicima.

VI - NADZOR, KONTROLA I IZVJEŠTAVANJE

Odobrena sredstva za pomoć zadrugama iz Budžeta Ministarstva moraju se iskoristiti za odobrene namjene, prema odredbama ugovora koje će Ministarstvo sklopiti sa korisnicima sredstava.

Svaki korisnik sredstava odobrenih po ovom Javnom pozivu, obavezan je nakon realizacije odobrenih projekata, a po potrebi i na zahtjev Ministarstva, dostaviti detaljan izvještaj o utrošku odobrenih sredstava sa finansijskog aspekta zajedno sa kompletnom dokumentacijom, što će se detaljnije propisati odredbama pojedinačno sklopljenim ugovorima sa korisnikom sredstava.

Za izvršenje ugovora aplikanti su obavezni obezbijediti безусловnu bankovnu garanciju na odobreni iznos sredstava ili bjanko mjenicu u zavisnosti od visine odobrenih sredstava što će biti regulisano u samom Ugovoru. Sredstva za osnivanje zadruga doznačavat će se na bazi refundacija kada aplikanti dostave dokaze o osnivanju zadruge.

Aplikanti koji budu korisnici ove mjere zapošljavanja dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u opravdanim slučajevima prekida radnog odnosa (odlaska u penziju postojećih radnika i prekida radnog odnosa iz opravdanih razloga). U slučaju prekida radnog odnosa iz navedenih razloga korisnik sredstava je obavezan u što kraćem roku, zaposliti drugu osobu sa evidencije nezaposlenih, za preostali period sufinansiranja.





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

VII - OSTALE INFORMACIJE

Zahtjevi se dostavljaju u roku od 21 dan od dana objavljivanja ovog poziva, a mogu se po potrebi zaprimati i sve do isteka za ove namjene planiranih sredstava.

Zahtjevi koji nisu kompletirani sa traženim dokumentima iz tačke IV ovog poziva, mogu se dopuniti i kompletirati u roku od 7 dana od dana prijema obavještenja kojim se traži dopuna dokumentacije, a do tada se neće uzimati u razmatranje.

NAPOMENA:

- Obavezno predavati fotokopije dokumenata koje moraju biti ovjerene ili original dokumenta.
- Predata dokumentacija svih aplikacija neće se vraćati podnosiocima zahtjeva.

VIII - MJESTO PODNOŠENJA ZAHTJEVA

Za priznavanje i ostvarivanje navedenog oblika prava, zahtjevi na posebno propisanom obrascu sa potrebnom dokumentacijom podnose se na slijedeću adresu: Ministarstvo za boračka pitanja Kantona Sarajevo, ulica Reisa Džemaludina Čauševića br. 1, 71000 Sarajevo putem pošte ili ličnim podnošenjem u šalter sali Kantona Sarajevo.

Informacije vezano za predmet Javnog poziva mogu se dobiti na, telefon: dir. 033/562-007 ili Centrala 033/562-000 lokal 2007.

Tekst Javnog poziva, propisani aplikacioni formulari i rang lista biće dostupni na Web stranici Ministarstva www.mbp.ks.gov.ba.

MINISTAR
Hajrudin Grabovica



